

四庫全書

史部

欽定四庫全書

八旬萬壽盛典卷六十四

恩賚

三 本年恩詔三

詔賜年老旗兵及內扎薩克之蒙古老人等銀兩有差

戶部議得

恩詔內開八旗滿洲蒙古漢軍兵丁及內扎薩克喀爾喀等蒙古年七十八九十以上者分別賞賚至百歲者題明旌表並加賞大緞一疋銀十兩一欸酌議

得八旗滿洲蒙古漢軍兵丁年七十以上者每名
賞銀三兩八十以上者每名賞銀五兩九十以上
者每名賞銀八兩百歲者題明給與坊銀並遵照
加賞大緞一疋銀十兩其扎薩克等蒙古年七十
八十九十以上人等均照八旗之例賞給至百歲
者蒙古地方向無建坊之例酌議賞銀十五兩相
應行文各將軍都統等衙門照例查明賞給造冊
具題核銷

八旗滿洲蒙古漢軍兵丁年七十以上者一千一百九十二名八十以上者一百五十名內務府包衣三旗兵丁年七十以上者一千二百八十一名八十以上者二百十三名九十以上者十名共賞銀七千三百十四兩 盛京駐防兵丁年七十以上者五十名八十以上者八名內務府所屬兵丁年七十以上者十六名共賞銀二百三十八兩 吉林駐防兵丁年七十以上者二十六名八十以

上者十名共賞銀一百二十八兩 黑龍江駐防
兵丁年七十以上者五十七名八十以上者一名
共賞銀一百七十六兩 察哈爾駐防兵丁年七
十以上者九十四名八十以上者九名共賞銀二
百八十二兩 達布遜諾爾牧羣兵丁年七十以
上者四十二名八十以上者一名達里岡崖牧羣
兵丁年七十以上者十四名八十以上者三名共
賞銀一百八十八兩 內務府三旗牧羣兵丁年

七十以上者四十四名左右兩翼兵丁年七十以
上者七名共賞銀一百五十三兩 伊犁駐防兵
丁年七十以上者九十三名八十以上者十九名
錫伯部落兵丁年七十以上者三名索倫部落兵
丁年七十以上者十四名八十以上者一名惠遠
城兵丁年七十以上者二十七名八十以上者五
名九十以上者一名共賞銀五百四十四兩 烏
魯木齊駐防兵丁年七十以上者七十一名八十

以上者七名共賞銀二百四十八兩 西安駐防
兵丁年七十以上者五十九名八十以上者九名
共賞銀二百二十二兩 寧夏駐防兵丁年七十
以上者二十四名八十以上者四名涼州駐防兵
丁年七十以上者十五名莊浪駐防兵丁年七十
以上者一名巴里坤駐防兵丁年七十以上者十
一名八十以上者七名古城駐防兵丁年七十以
上者三名吐魯番駐防兵丁年七十以上者七名

八十以上者一名共賞銀二百四十三兩 綏遠
城駐防兵丁年七十以上者二十九名八十以上
者三名右衛駐防兵丁年七十以上者三名共賞
銀一百一十一兩 成都駐防兵丁年七十以上者
十六名八十以上者二名共賞銀五十八兩 荊
州駐防兵丁年七十以上者八名共賞銀二十四
兩 江寧京口駐防兵丁年七十以上者一百十
一名八十以上者十名共賞銀三百八十三兩

杭州駐防兵丁年七十以上者二十五名八十以上者五名乍浦駐防兵丁年七十以上者六名八十以上者二名共賞銀一百二十八兩 青州德州駐防兵丁年七十以上者二十六名八十以上者四名共賞銀九十八兩 廣州駐防兵丁年七十以上者四名共賞銀十二兩 科爾沁親王諾爾布林沁等七旗年七十以上者兵丁九百三十九名八十以上者兵丁一百十三名九十以上者

兵丁四名共賞銀三千四百十四兩 科爾沁郡
王羅卜藏占三等六旗年七十以上者兵丁一千
七百七十一名八十以上者兵丁一百五十一名
九十以上者兵丁四名共賞銀六千一百兩 科
爾沁郡王旺札爾多爾濟等七旗年七十以上者
兵丁一千七百二十一名八十以上者兵丁一百
八十五名九十以上者兵丁七名共賞銀六千一
百四十四兩 霍齊特郡王敏珠爾多爾濟等六

旗年七十以上者兵丁一千五百零五名八十以上者兵丁一百六十七名九十以上者兵丁六名共賞銀五千三百九十八兩 鄂爾多斯郡王錫丹巴拜等九旗年七十以上者兵丁二千二百四十五名八十以上者兵丁二百三十四名九十以上者兵丁十二名共賞銀八千零一兩 奈曼郡王拉旺喇布坦等八旗年七十以上者兵丁二千八十八名八十以上者兵丁三百十二名九十以

上者兵丁八名共賞銀七千八百八十八兩 阿
拉善親王旺沁班巴爾等二旗年七十以上者兵
丁九十九名八十以上者兵丁十三名九十以上
者兵丁二名共賞銀三百七十八兩以上共賞銀
四萬七千八百七十三兩業經報部核結餘飭各
該省陸續題銷

詔賜直省年老軍民絹棉米肉有差

戶部議得

恩詔內開軍民年七十以上者酌加賞賚八十以上者
給與絹一疋棉一斤米一石肉十斤九十以上者倍
之百歲者題明旌表並加賞大緞一疋銀十兩一欸
酌議得老民年七十歲以上者每名賞給絹一疋
棉一斤米五斗肉五斤八十歲以上者每名賞給
絹一疋棉一斤米一石肉十斤九十歲以上者每
名賞給絹二疋棉二斤米二石肉二十斤均許一
丁侍養免其雜派差役等因相應行文各督撫府

尹將軍等照例查明賞給造冊具題核銷奉天省
老民年七十以上者五千四百十四名八十以上
者七百四十四名九十以上者一百十八名共賞
給絹六千三百九十四疋棉六千三百九十四斤
肉三萬四千八百七十斤共折價銀六千七百三
十二兩零共給粟米三千六百八十七石 吉林
等處老民年七十以上者三百八十名八十以上
者一百二十九名九十以上者十八名共賞給絹

九百四十五疋棉九百四十五斤米二千六十五石肉三千五百五十斤共折價銀六百四十八兩零又本色米一石折糧二石共折糧五百三十一石 江西省老民年七十以上者七千三百四十九名八十以上者一千九百八名九十以上者一百六十二名百歲以上者四名共賞給絹九千五百八十九疋棉九千五百八十九斤米五千九百十四石五斗肉五萬九千一百四十五斤共折價

銀一萬一千四百二兩零 湖北省老民年七十
以上者五萬五千一百六名八十以上者九千八
百八十六名九十以上者二千一百六十二名共
賞給絹六萬九千三百十六疋棉六萬九千三百
十六斤米四萬一千七百六十三石肉四十一萬
七千六百三十斤共折價銀七萬九千一百五十
八兩零 陝西省老民年七十以上者二萬八千
二百四十一名八十以上者四千一百八十五名

九十以上者五百三十九名共賞給絹三萬三千
五百零四疋棉三萬三千五百零四斤米一萬九
千三百八十三石五斗肉十九萬三千八百三十
五斤共折價銀六萬一千四百九十九兩零 四
川省老民年七十以上者一千二百九名八十以
上者四百九十二名九十以上者三十二名共賞
給絹一千七百六十五疋棉一千七百六十五斤
米一千一百六十石五斗肉一萬一千六百零五

斤共折價銀三千一十九兩零 廣東省老軍年
七十以上者一千二十一名八十以上者一百二
十三名九十以上者一名老民年七十以上者一
萬九千二百四十五名八十以上者三千九百八
十名九十以上者二百八十名百歲以上者三名
共折給絹棉米肉價銀三萬八千六百六十九兩
零 貴州省老民年七十以上者一千一百六十
五名八十以上者二百四十三名九十以上者十

三名共賞給絹一千四百三十四疋棉一千四百三十四斤肉八千五百十五斤共折價銀一千七百四十七兩零賞過米七百八十九石其餘米六十二石五斗共折銀五十六兩零以上俱經各督撫府尹報部核結餘飭陸續題銷

臣等謹案古來養老之政未有與犒軍之典一時偕行者蓋兵與民雖分而

宸衷注念則怙冒咸歸一體況乎生長

邳隆同登壽考熙熙然遊春臺之上者典被有年澤
流無間固所謂有慶兆民同論年

天子萬也

皇上涵嫗羣生凡引戶校年之輩以及荷戈列戍之
夫飽飫

恩膏由壯至老無虛歲若八旗之免地租養育兵鰥
寡孤獨之加錢糧告退閑住之給全半俸餉所
以綏我士卒者皆

俯推格外之仁而弗少靳至於蒙古隸役比於內地
每年

優賞所部沙塞歡呼故得長養安居共享昇平之福
非一日矣若夫歲時粟帛徧逮庶民或壽杖銀
牌或賜金表楔屢登人瑞益廣

惠施本年

宣諭者民不必遠來慶祝而

丹綸先沛大賚攸行尤為疏賤不遺中外無間真尊

迎善祥之盛治也哉

詔命欽恤刑獄大赦天下凡一應罪犯分別減等寬宥
有差

刑部謹

奏為欽奉

恩赦事乾隆五十五年正月初一日恭逢

皇上八旬萬壽欽頌

恩詔內開一各省現犯軍流以下人犯俱著減等發落

其在配軍流入犯已過十年安分守法別無過犯者
著各省督撫分別咨部查照向例核議奏請省釋欽
此欽惟我

皇上法天行健久道化成三元開

五代之堂

萬壽協八徵之瑞澤靡不被既

鳳詔之頻頒悅且无疆遂雞竿之肆赦盖祥刑早慎夫
成讞而解網更畀以

殊恩郊遂遠方悲予自新之路胥靡城旦益昭宥過之
仁凡

聖朝特沛之宏慈寔

壽寓難逢之盛典臣等謹查向來辦理軍流減等條例
及近年屢奉

恩赦臣等奏定章程除常赦所不原及叛逆緣坐強盜
免死發遣家奴吃酒行兇棍徒生事擾害用藥迷
拐子女開窩誘賣為從并例應給披甲人為奴及

擬遣之積匪猾賊搶竊滿貫並三犯竊盜擬絞緩
決減等及偷創人參私鑄十千以上為從不及十
千為首并擬遣新疆以及由新疆改發內地等項
人犯凡情罪較重者不准減等外其餘尋常軍流
以下人犯一概酌予減免等因遵照在案今此次
恭逢

恩詔應請仍照節次章程辦理凡各省原犯軍流以下
事在本年正月初一日以前不在前議不准減等

各條之內者軍流遣犯概減為杖一百徒三年徒
罪人犯概減為杖一百褫犯准徒總徒人犯遞減
一年以上徒犯已經到配者即行釋放已經決杖
逃徒并免緝拿枷杖人犯悉行寬免應刺字者并
免刺字應追贓者仍行追贓又應減軍流遣犯內
已審未結已結未解已經起解在道會

赦計其程限不能到配者均照定例准其援減各省督
撫于接到部文即日飛飭地方官檢核原案查照

奏定章程分別辦理務于一月內照例題咨并摘
叙簡明案由彙冊送部核覆臣部辦理現審案內
軍流徒罪各犯已經起解者應聽各該督撫查照
已未到配定例辦理其已經審結尚在羈禁未經
發落者臣部亦照議定條款酌核彙總具

題其各省題咨現已到部尚未議覆及嗣後續到題
咨案件查事犯在

恩詔以前者臣等於議覆時隨案聲明酌減至辦理軍

流在配十年無過釋回之案臣等恭查乾隆十一年臣部奏定章程內稱除發寧古塔等處及改發烟瘴地方遣犯內係強盜免死減等以藥迷拐子女開窑誘賣家奴吃酒行兇偷創墳塚寔係兇惡棍徒情罪重大有闕十惡常

赦條例內不准原免之項均毋庸查辦外其餘情罪較輕之外遣內遣以及安置安插編發為民駐防當差旗下家奴犯該軍流給發駐防兵丁為奴者均

與尋常軍流入犯一體查辦等因又臣部于四十三年奏明新疆人犯內有無力捐贖入廠其人尚安分守法者請

旨勅令該將軍查明遣犯內已過十年並無過犯之人其中有年逾七十及衰病無能不任耕作者令其回籍其年力強壯者仍留各該處歸入內地送往種地民人之內起除刺字俾令永為良民其新疆為奴遣犯續經奏明不准回籍各等因均經奉

旨允准遵行在案此次恭逢

恩旨自應遵照乾隆十一年及四十三年兩次辦理章程將所定應准不應准條款行令直隸各督撫府尹將軍副都統查明各項人犯在本年正月初一日欽奉

恩旨以前到配已過十年寔係安分守法別無過犯及現今年逾七十以上者均摘叙犯案事由罪名到配年月日期議以應釋不應釋分類彙造清冊咨

送臣部覆核摘由開單按照省分遠近陸續

奏請釋回並行令伊犁烏魯木齊哈密等處各將軍
辦事大臣將當差人犯內衰病無力年逾七十在
配已過十年安分無過者亦照內地人犯之例摘
叙原犯罪名事由及到配年月造冊送部查核其
年力强壯者仍遵四十三年奏准章程仍由各該
處歸入內地送往種地民人之內起除刺字俾令
永為良民至此次各項欽奉

恩旨應行釋回之犯如有在配年久不願回籍者聽從
其便其回籍之犯已經刺字者准照竊盜寔能悔
過例起除刺字復為良民若于省釋後故智復萌
仍有在地方生事不法者應照所犯之罪加一等
治罪再遇

恩施不准援免所有臣等遵

旨酌議軍流以下減等及十年無過省釋章程理合恭
摺具奏俟

命下行文內外各衙門一體遵照辦理本年正月二十

五日奉

旨依議

又

奏為欽奉

恩赦事乾隆五十五年正月初一日恭逢

恩詔內開一各省監禁人犯著將上年秋朝審緩決至

三次各犯仍照節次查辦之例查明所犯情節分別

減等發落其緩決一二次人犯內有案情本輕可予
矜原者亦著該部查明請旨定奪欽此仰見我

皇上澤普天衢

仁敷壽寓純嘏集

八旬之慶庥和溥被于八埏貞元啟

萬壽之祥愷樂宣昭于萬類

恩覃格外園扉蒙解吉之占喜動寰中肺石免訟終之
咎不惟緩決三次以上人犯共沐

洪慈即一二次緩決者亦得仰邀

異命原其罪戾予以生全事雖近而必矜四表上春臺
之頌

恩屢推而愈溥九霄空貫索之驥此

聖朝特沛之殊恩實亘古難逢之

曠典臣等謹查得現在秋審

朝審緩決常犯共七千七百餘名內業經緩決三次
以上者共四千四百四十餘名遵照向年減等條

款詳加酌議除減等人犯復犯死罪監候待質寔
犯大逆緣坐之子孫以及殺死期功尊長情重等
項人犯毋庸議減外其尋常鬪毆共毆及戲殺誤
殺夫毆妻至死及毆死大小功以下卑幼良人毆
死他人奴婢威力主使致死等項情節本輕者擬
以減流毆死總麻尊長故殺妻故殺胞弟奴婢毆
死良人夥衆丟包等項情節稍重者分別擬發近
邊遠極邊充軍又尋常軍犯在配犯鬪殺謀殺

人傷而未死以及畧誘誣告等項情節畧重者并
旗下正身及旗下家奴應減軍流入犯均發黑龍
江等處分別當差為奴又奉天等處所屬旗人應
減軍流入犯照例解部酌發各省駐防兵丁分別
當差為奴又毆死期功以下尊長人犯內除情重
者不減外其中如有救親情切毆由義忿並迫于
尊長之命勉從加功及戲殺誤殺等項人犯俱因
情稍可原由情實改為緩決酌核情節分別減發

邊遠極邊黑龍江等處至竊盜拒捕刃傷事主及
折傷以上搶奪滿貫等項人犯應發新疆者面刺
改遣改發雲貴兩廣烟瘴充軍至緩決一二次人
犯共三千二百五十餘名遵奉

恩旨詳晰查核擇其案情本輕可予矜原者酌量擬減
恭候

欽定又新疆緩決人犯應與內地一體查辦令該將軍
照例調發臣等謹將

朝審及各省秋審人犯核其案情輕重擬以應減不應減按人犯多寡省分遠近分為三次以雲南貴州四川廣西廣東福建等省共二千四百六十餘名為一次奉天陝西湖廣浙江江西安徽等省共二千六百餘名為二次江蘇河南山東山西直隸及

朝審人犯共二千六百三十餘名為三次各繕清單
陸續具奏請

旨將減流者杖一百流三千里減軍者分別發遣發黑
龍江等處者解交黑龍江等處各將軍酌量分別
安插嚴行管束奉天旗人應發各省駐防者令將
人犯解送臣部轉交兵部定地發配老幼婦女以
及篤疾者俱照例收贖各犯內有祖父母父母老
疾應請留養者俱照例核辦蒙古人犯仍照蒙古
例辦理所有臣等遵照節年緩決減等條款分別
查辦緣由理合奏

聞請

旨本年正月二十五日奉

旨依議

臣等謹案訓典率於下嘉祥萃於上良由政教
旁流用以底蒸民之生而大協中之化焉耳

皇上布德行仁太和翔洽之會無時不本

睿情欽慎昭議獄之持平至於

裁律意之重輕核罪名之出入或再三昭雪或委曲

生全凡皆憫惠元元務歸於仁至義盡恭際
萬壽數恩


德音大赦並育並生

曲賜原情俾所司從例減釋一時幪扉之衆沐
解澤而嘘矣風何其幸歟顧竊惟寬刑宥罪在
聖德為緒餘而雨露雷霆寔並昭夫

至教是我

皇上以誠感物之理即以仁得

壽之徵行見淑氣蒸濡普為良善所以答
天庥而錫民祉者寧有既極哉



八旬萬壽盛典卷六十四

欽定四庫全書

史部

欽定八旬萬壽盛典卷六十五
六

詳校官編修臣
潘紹經

欽定四庫全書

八旬萬壽盛典卷六十五

恩賚

四 本年蠲賦一

臣等謹按通免天下田賦史不數覲自漢文帝下
詔勸農始見舉行然僅賜租稅之半厥施未溥唐
以後間有擇地量蠲計分遞免之事要亦不過偏
隅之惠及半之施已耳從未有如我

國家履綏全盛制用阜財而猶疊沛

皇仁正供普免至於四次之多者前此歲丙寅庚寅丁酉荷

闔諭者凡三已極敷施之渥至因時因事截漕發粟展賑除逋數已百二十萬萬茲除

八袁昌辰

錫福元正復通免天下錢糧二千七百七十萬兩有奇
輪免三年而徧猗歟溥哉臣等仰惟

皇上富增五福之崇祿備四得之應而

乾惕之慮著於

聖訓者恒謂天子安得有已財至於民皆歲富而

天益示其無私歲本占穰而

皇惟重夫行慶聖仁博濟上軼姚為豈特漢唐捐租賜
復之詔為無足稱耶若夫減租及於業佃納秸貸
於邊屯寬海濱沙地之額徵停番社苗人之供粟
凡此非常之

鉅澤曲逮靡遺宜乎陰陽協和雨風應候豐膏之所被

胥天下而飲

仁化樂

壽愷之彌殷也乎

乾隆五十五年正月初一日

皇上以慶開八袞

特頒普免天下錢糧之

諭統計各直省額徵款項二千七百七十萬兩有奇全
行蠲免三年一週用溥

錫羨延禧之至意

御製乾隆五十五年八十壽辰普免天下錢糧諭

朕賴

昊蒼眷佑既逾古稀欣開八袞幸得小康時懷大惕自
乾隆十年以迄四十二年特布恩綸普免天下錢糧業
經三次矣今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒

實所罕覩是宜廣宣湛閭敷錫兆民用叶崇禧以答
嘉貺著將乾隆五十五年各直省應徵錢糧通行蠲免
其如何按年輪蠲之處著大學士會同戶部即速核奏
遵行

大學士公臣阿桂等謹

奏為欽奉

上諭事本年元旦內閣奉

上諭著將乾隆五十五年各直省應徵錢糧通行蠲免

其如何按年輪蠲之處著大學士會同戶部即速核
奏遵行欽此欽遵臣等恭讀

恩綸仰見我

皇上福錫無疆化成久道查乾隆十年三十五年四十
二年共普蠲過天下錢糧三次

深仁厚澤萬姓均沾茲復仰荷

聖德以

八旬萬壽之昌期際

五世一堂之盛會曠古希聞敷天共慶

蠲租賦而益阜蓋歲

念民依而彌臻康樂始和布令

特沛殊恩

命將五十五年各直省應徵錢糧通行蠲免

鴻施稠疊

聖德彌綸此誠茅簷蔭屋屢沐

恩膏千古罕覲之

盛典也臣等謹查乾隆十年乾隆三十五年乾隆四十二年普免天下錢糧除蘆課漕項例不蠲免外其地丁錢糧額徵銀共二千七百七十萬一千餘兩向係按照各省地丁數目均勻搭配分作三年輪免但查分年輪免各直省遼

恩年分有越至一二年之後者究於

聖德鴻慈一時未能溥徧且各省錢糧多寡不齊而需用經費各有定制在有餘省分輪免之年自可無

藉協撥其地丁較少之省向值輪免之年所需經費或全數協撥或撥解數成必須另款籌酌轉滋繁擾臣等公同酌議擬將現在蠲免錢糧於五十六年為始按照各直省實在額徵銀數將所屬之各府直隸州次第均勻搭配分作三次按年輪免每年應免三分之一仍按上三屆普免之例通計三年一律蠲免仍令各該督撫府尹查明該年應免府州先儘五十四年之災緩各府州作為首次

蠲免分別先後銀數造冊按年具題是一年之內
各直省均得仰沐

鴻慈在小民亦易於周知而於普沾

渥澤之中更少展轉撥解之繁似較按省輪免尤為允
協至應徵地丁錢糧內隨徵耗銀一項係充地方
一切公用並非解部之款節次普免案內定議照
例輸納此次亦應照舊徵收留充地方公用具有
向年緩徵帶徵之項應於各該年徵收者不便以

正項既蠲再行展限轉致下年新舊並徵應請遇有緩徵帶徵錢糧省分仍於蠲免之年照例徵收所有各省歲需經費銀兩或有不敷戶部臨時籌酌辦理伏候

命下行文各該督撫府尹按照戶部指示情節先行出示曉諭並即悉心核議具題到部俟部覆到日再行遵照辦理務使編氓均沾實惠為此謹

奏奉

旨依議此次普免錢糧按照各直省額徵銀數將所屬各府州次第搭配分作三次按年輪免通計三年一律蠲完較之按省分年輪免各省年分先後不同者似更覺恩施早被遠近齊沾至一省之中應免府州當先儘五十四年災緩之區首先蠲免於災黎更有裨益該督撫務須悉心籌畫妥為分別辦理並督飭所屬實力奉行務使編氓均沾渥澤毋令吏胥從中影射侵漁稍滋弊混以副朕行慶施惠數錫兆民之

至意仍令各督撫自行具奏

是月初八日

詔直省地方官示諭紳衿富戶量減佃民地租

內閣奉

上諭今歲朕屆八旬壽辰敷錫兆民普天臚慶特降恩
旨將乾隆五十五年各直省應徵錢糧通行蠲免農
民等皆可均沾惠澤因思紳衿富戶田產較多之家
皆有佃戶領種地畝按歲交租今業主概免徵輸而

佃戶仍全交租息貧民未免向隅應令地方官出示曉諭各就業主情願令其推朕愛民之心自行酌量將佃戶應交地租量予減收亦不必定以限制官為勉強抑勒務使力作小民共享盈寧之樂以副朕孚惠閭閻廣宣湛闔至意

二月二十九日

詔免浙江省玉環廳額徵租穀海寧州沙地租銀

內閣奉

上諭本年朕八旬萬壽業經特降諭旨將天下錢糧普
行蠲免浙江省温州府所屬玉環廳額徵租穀及杭
州府所屬海寧州沙地租銀本不在應免之例第念
此項銀穀按畝輸將實與地丁無異若照舊徵收小
民未免向隅著加恩將玉環廳租穀二萬二千餘石
海寧州沙地租銀二千八百餘兩一體蠲免俾瀕海
黎民均沾實惠該部即遵諭行

三月十二日

詔免甘肅省臨邊各屬畚糧草束並免河東河西屯糧
草束十分之三

內閣奉

上諭本年朕八旬壽辰業經降旨將各直省地丁錢糧
普行蠲免甘肅省臨邊各屬應徵畚糧草束及河東
河西各屬應徵屯糧本不在蠲免之例第念該省所
徵糧草較多著照舊徵收小民未免向隅著加恩將
臨邊各屬畚糧草束一體蠲免其河東河西屯糧草

東亦著照上次之例蠲免十分之三俾邊省民番共沾渥澤該部即遵諭行

三月十四日

詔免福建臺灣番黎應徵供粟並免官莊租息銀兩十分之三

內閣奉

上諭本年朕八旬壽辰業經降旨將直省地丁錢糧普行蠲免臺灣府屬有應徵供粟及官莊租息銀兩本

不在蠲免之例第念該省各府州縣錢糧俱已全行
蠲免臺灣瀕臨海外若不獲一體邀恩番黎等未免
向隅著加恩將臺灣府屬一廳四縣應徵供粟按照
內地之例分作三年輪免其官莊租息銀兩亦著蠲
免十分之三以示加惠海疆至意該部即遵諭行

三月二十日

詔免烏魯木齊額徵地糧三分之一

內閣奉

上諭本年朕八旬壽辰業經降旨將各直省地丁錢糧
普行蠲免烏魯木齊各州縣每年額徵地糧本不在
蠲免之例第念內地錢糧俱已全行蠲免該處若不
獲一體邀恩邊氓未免向隅著加恩將烏魯木齊所
屬各州縣戶民額徵地糧七萬餘石豁免三分之一
以示加惠邊黎至意該部即遵諭行

四月二十九日

詔免山西省太原等屬井口外各廳應徵本色米折銀

兩十分之三又大同等府應徵本色糧石和林格爾等處牧廠地租各款全行蠲免

內閣奉

上諭山西省太原遼州等十六府州并歸化城應徵本色及清水河等廳並太僕寺牧廠地畝應徵折色銀兩著仍照上屆之例加恩蠲免十分之三其應徵本色之大同朔平二府及和林格爾等處新墾地畝應輸折色並莊頭退出招種地租銀兩又豐寧二廳地

畝折色租銀亦照上屆加恩一體蠲免以示朕普惠
羣黎有加無已至意該部即遵諭行

六月初九日

詔免湖南省乾州等廳縣額徵苗民雜糧

內閣奉

上諭湖南乾州鳳凰永綏三廳并城步綏寧二縣每年
額徵苗民雜糧八百六十一石九斗三升著仍照上
屆之例加恩一律蠲免隨同地丁分年輪豁所有應

徵兵糧等項亦著照上屆蠲免苗糧之年另行動款
撥支以示朕普惠邊黎有加無已至意該部即遵諭
行

七月初六日

詔免陝西省應徵本色及學租各款額糧

內閣奉

上諭本年朕八旬壽辰業經降旨普免天下錢糧令各
省按照各府州分年輪蠲陝西省正項錢糧既經輪

免所有各廳州縣尚有應徵本色起存並學租共糧
二十萬五百一十五石草一萬五千六百三十五束
棉花四十九斤零著仍照上屆之例加恩一律蠲免
以示朕普惠邊黎敷錫延禧至意該部即遵諭行

十一月三十日戶部具題

恩蠲直省錢糧實數

戶部謹

題為各省分年輪免錢糧事該臣等查得本年元旦

欽奉

恩旨普免各直省應徵錢糧當經大學士公阿桂等會同臣部議奏奉

旨依議欽此欽遵辦理在案並節經臣部行令各該省造冊題報今據該督撫等陸續題奏到部臣等逐加查核統計各直省共額徵地丁等項實應蠲銀二千七百七十萬一千餘兩臣部通行各督撫等一體遵辦謹將奉天等省分年輪免錢糧數目

一併開列恭呈

御覽

奉天省額徵地丁等銀三萬六千五百一十九兩
乾隆五十六年輪免岫巖等一廳四州縣額徵
銀一萬一千九百四十三兩零五十七年輪免
寧遠等四州縣額徵銀一萬二千三百六十六
兩零五十八年輪免遼陽等四州縣額徵銀一
萬二千二百一十兩零

安徽省額徵地丁等銀一百五十七萬五千九百六十六兩零 乾隆五十六年輪免鳳陽等四府州屬額徵銀五十二萬八千六百九十九兩零五十七年輪免安慶等五府州屬額徵銀五十二萬五千三百五十五兩零五十八年輪免徽州等四府州屬額徵銀五十二萬一千九百一十二兩零

江西省額徵地丁等銀一百八十萬四千六百五

十二兩零 乾隆五十六年輪免南昌等五府
州屬額徵銀六十萬二百二十五兩零五十七
年輪免瑞州等四府屬額徵銀六十萬四千六
百四十兩零五十八年輪免撫州等五府屬額
徵銀五十九萬九千七百八十七兩零

浙江省額徵地丁等項銀二百四十五萬七千一
百七兩零 乾隆五十六年輪免杭州等三府
屬額徵銀八十萬六千五百四十四兩零五十

七年輪免紹興等三府屬額徵銀八十三萬四千二百二兩零五十八年輪免寧波等五府屬額徵銀八十一萬六千三百六十兩零

湖北省額徵地丁等銀一百九萬三百二十四兩零
乾隆五十六年輪免漢川等一十六州縣
衛額徵銀三十五萬七千九百四十四兩零五
十七年輪免江夏等十五州縣額徵銀三十五萬八千一百六十一兩零五十八年輪免嘉魚

等四十七州縣衛額徵銀三十七萬四千二百一十八兩零

湖南省額徵地丁等銀一百一十三萬八千六百六兩零 乾隆五十六年輪免岳州等六府州屬額徵銀三十七萬四千九十五兩零五十七年輪免衡州等四府屬額徵銀三十七萬四千七百六十兩零五十八年輪免長沙等三府州屬額徵銀三十八萬九千七百四十九兩零

河南省額徵地丁等銀三百萬一千零一兩 乾
隆五十六年輪免歸德等四府屬額徵銀一百
一十九萬五千九百四十六兩零五十七年輪
免開封等四府州屬額徵銀九十三萬二千六
百六十兩零五十八年輪免河南等五府州屬
額徵銀八十七萬二千三百九十五兩零

山西省額徵地丁等銀二百九十七萬六千三百
二十四兩零 乾隆五十六年輪免大同等八

府州屬額徵銀九十九萬四千二百七十五兩
零五十七年輪免太原等六府州屬額徵銀九
十八萬三千四百二兩零五十八年輪免平陽
等五府州屬額徵銀九十九萬八千六百四十
六兩零 又太原等府州并口外各廳清水河
豐鎮額徵本色米折等項欽奉

恩旨蠲免十分之三大同朔平二府額徵本色糧石
和林格爾清水河朔平府豐鎮寧遠等處額徵

牧廠地租清水河廳額徵草折等銀欽奉

恩旨全行蠲免共本色糧六萬三千三百八十六石
零米折地租等銀四萬一千三百五十九兩零

乾隆五十六年輪免大同等八府屬井口外

各廳三分本色糧四萬六千七百六十一石零

清水河廳三分米折銀五千一百兩零豐鎮廳

三分改徵銀五千九百三兩零和林格爾清水

河二通判額徵新墾六旗廠地折色應全行蠲

免銀三千二百六兩朔平府同知額徵移駐官
兵空出地基折色應全行蠲免銀三千八百三
十七兩零豐鎮寧遠二廳額徵太僕寺牧廠迤
西地畝折色應全行蠲免銀一萬一千一百七
十七兩零清水河廳草折全行蠲免銀一萬二
千一百三十六兩零 乾隆五十七年應免太
原等六府州米豆穀一萬四千二百六十一石
零五十八年應免平陽等三府州米豆穀二千

三百六十石零

甘肅省額徵地丁等銀二十八萬六千七百五十
六兩零 乾隆五十六年輪免慶陽等三府州
屬額徵銀一十萬五千八百九十五兩零五十
七年輪免鞏昌等二府額徵銀一十萬五千八
十二兩零五十八年輪免蘭州等六府州屬額
徵銀七萬五千七百七十九兩零

四川省額徵地丁等銀六十六萬四千八百五十

二兩零 乾隆五十六年輪免龍安等七府州
屬額徵銀二十二萬七千二百一十一兩零五
十七年輪免重慶等十一府州屬額徵銀二十
二萬二千二百六兩零五十八年輪免成都等
五府州屬額徵銀二十一萬五千四百三十五
兩零 又龍安等府屬及松潘等鎮營應徵夷
糧米石并折徵銀兩本折

貢馬折價等項應遵照上兩屆之例一體蠲免打箭

爐等處土司三年一次納

貢之本折馬匹亦准其于輪免之年蠲免一次

廣西省額徵地丁等銀三十九萬三千六百一十

四兩零 乾隆五十六年輪免桂林等四府屬

額徵銀一十二萬六千九百三十五兩零五十

七年輪免思恩府四府州屬額徵銀一十三萬

三千三百五十七兩零五十八年輪免梧州等

四府屬并崇善縣附徵恩城州田例柴馬等銀

一十三萬三千三百二十一兩零

雲南省額徵地丁等銀一十九萬九千七百八十
四兩 乾隆五十六年輪免臨安等九府州屬
額徵銀六萬六千九百九十餘兩五十七年輪
免雲南等七府州廳屬額徵銀六萬六千四百
七十餘兩五十八年輪免大理等五府州屬額
徵銀六萬六千三百九兩零 又官庄項下實
餘米折銀八千一百八十三兩零租息折徵銀

九百一兩零學租銀三十六兩零照例將在官
租石免三徵七全免地丁銀兩扣存歸公 乾
隆五十六年輪免臨安等六府州屬額徵官庄
米折應免三分銀五百六十兩零徵七銀一千
三百八兩零應扣歸公全免地丁銀二百三十
九兩零額徵租息免三銀二百六十四兩零徵
七銀六百一十八兩零應扣歸公全免地丁等
銀一百三十三兩零額徵學租免三銀二兩零

徵七銀六兩零五十七年輪免雲南等五府廳
屬額徵官庄米折應免三分銀五百九十八兩
零徵七銀一千三百九十七兩零應扣歸公全
免地丁銀二百一十六兩零額徵學祖免三銀
八兩零徵七銀一十九兩零五十八年輪免大
理等四府州屬額徵官莊米折免三銀一千二
百九十五兩零徵七銀三千二十二兩零應扣
歸公全免地丁銀六百四十兩零額徵租息項

下免三銀五兩零徵七銀一十二兩零應扣歸
公全免地丁銀一兩零

貴州省額徵地丁等銀一十二萬一千五百四十
二兩零內銀二萬七千八百二十七兩零改徵
本色米三萬三千六百六十九石零實免地丁
銀九萬三千七百一十四兩零 乾隆五十六
年輪免貴陽等四府屬額徵銀三萬八千三百
三十二兩零改徵米五千八百五十九石零五

十七年輪免南籠等三府屬暨仁懷同知額徵
銀三萬二千二百二十六石零改徵米一萬五
百六十六石零五十八年輪免都勻等六府屬
額徵銀二萬三千一百六十八兩零改徵米一
萬七千二百四十三石零

福建省額徵地丁等銀一百二十二萬七千二百
七十四兩零 乾隆五十六年輪免泉州等五
府屬額徵銀四十一萬五千九百五十六兩零

五十七年輪免福州等二府屬額徵銀四十一萬四千六十二兩零五十八年輪免延平等五府州屬額徵銀三十九萬七千二百五十五兩零

廣東省額徵地丁等銀一百二萬五千餘兩乾隆五十六年輪免廣州等三府州屬額徵銀三十四萬二千三百餘兩五十七年輪免惠州等三府屬額徵銀三十四萬七千九百餘兩五十

八年輪免南雄等府州屬額徵銀三十三萬四千八百餘兩

以上十五省經各該督撫府尹造冊題報臣部查與應蠲數目相符

吉林所屬額徵地丁等銀六萬一千八百四十二兩零據該將軍等奏按照地方情形分作三年自乾隆五十六年起每年蠲免一分銀二萬六千一百十四兩零

吉林同知徵銀四萬九千四百八十六兩零每年
應免銀一萬六千四百九十五兩零

伯都訥徵銀一萬二百六十八兩零每年應免銀
三千四百二十二兩零

寧古塔徵銀二千五十二兩零每年應免銀六百
八十四兩零

三姓徵銀二十二兩零每年應免銀七兩零
阿勒楚喀徵銀十一兩零每年應免銀三兩零

山東省額徵地丁等銀三百二十一萬七百五兩
零 乾隆五十六年輪免濟南等四府州屬額
徵銀一百十萬七千五百九十餘兩五十七年
輪免兗州等五府州屬額徵銀一百一十萬五
千八百八十餘兩五十八年輪免武定等三府
屬額徵銀九十九萬七千二百二十餘兩 又
本年九月內該撫聲請將被水及勘不成災之
平原等四十一州縣本年錢糧同欽奉

諭旨惠民一縣春收歉薄本年錢糧亦着加恩與各
災地一體先行蠲免

陝西省額徵地丁等銀一百六十一萬一千四百
一十八兩零 乾隆五十六年輪免延安等四
府州屬額徵銀四十六萬七千三百二十九兩
零五十七年輪免鳳翔等七府州屬額徵銀四
十四萬二千四百二十三兩零五十八年輪免
西安府屬額徵地丁等項共銀七十萬一千六

百六十五兩零 又額徵民屯本色起存學租
等糧二十萬五百一十五石零草一萬五千六
百三十二束零棉花四十九斤零欽奉

恩旨一律蠲免 乾隆五十六年輪免延安等四府
州屬額徵民屯本色等糧三萬五千四百八十
零本色草一萬五千六百三十二束零棉花四
十九斤零五十七年輪免鳳翔等七府州屬額
徵民屯本色等糧四萬三千六百二十一石零

五十八年輪免西安府屬額徵民屯本色等糧
一十二萬一千四百八十五石零

直隸省額徵地丁等銀二百四十四萬七千七百
八十一兩零 乾隆五十六年輪免順天等六
府州屬額徵銀八十四萬三百八十兩零五十
七年輪免正定等三府屬額徵銀七十九萬四
千四百五十兩零五十八年輪免永平等八府
州屬額徵銀七十九萬九千九百五十一兩零

江蘇省額徵地丁等銀二百三十五萬九千三百六十九兩零 乾隆五十六年輪免淮安等五府州屬額徵銀八十二萬四千三百三十一兩零五十七年輪免江寧等三府屬額徵銀七十三萬九千七百八十一兩零五十八年輪免常州等四府州廳屬額徵銀七十九萬五千二百五十六兩零

以上各省俱由該督撫將軍陸續題報臣部查與

應蠲數目相符仍令造具細冊備核等因奉
旨依議

欽定四庫全書

卷六十五

欽定四庫全書

八旬萬壽盛典卷六十六

恩賚

五

本年蠲賦二

大學士以下直省臣民以

萬壽覃恩普蠲天下錢糧具摺請題各陳謝

大學士臣嵇璜等跪

奏為恭謝

天恩事欽惟我

皇上

軒紀洪延

堯仁廣被

運符乾健萬年長鞏於璇圖

恩協春生四序均調於玉燭卜豐綏之告慶地寶咸登
瞻雲物以書華歲星恒朗

念雨暘而錫福正八徵

作記之年度量衡以

省方先二月

東巡之候

天倉結銓曾再蠲惟正之供農部度支已三荷

如綸之需被

聖澤於通寰洽宙無一夫不浹髓淪肌慶逢

八袞之元春復奉

十行之闔諭雞竿表闕甫聰宣

恩詔之條兕爵躋堂方共拜新正之宴

南郊祈穀七十二候之化日延長

左个宣綸三百六旬之泰辰伊始豳風可繪小民切籲
於稱觥禹甸偕酌

至德更周於賜粟樂民生之康乂幾忘舉社為勞課吏
治之循良無慮催科或拙千萬禩中天慶集十七
省間歲膏流陋免半之前文準輪蠲之舊例築場
納稼洽隣惟聽村春剥棗烹葵安枕無驚縣帖此
皆

聖慈壽冒

仁化涵濡而且

親御丹毫丕宣

寶訓時已臻於

郅治尚托小康

誠不息於健行恒深夕惕仰尊光之

謙德揭

宥宥之全功

帝力不知耕鑿滿春臺之上

一人有慶謳歌遍月窟而遙解愠阜財奉瑤觴於

舜日西成東作增寶算於

堯年

皇極之敷錫無涯庶彙之感銜曷既臣等欣依

魏闕仰誦

宸謨

惠心益驗有孚

曠典實昭逾格念粉榆之逢歲何地非春譬葵藿之傾
陽無言可述惟願

璇樞朗耀周天拱北以羅星

寶籙長生大衆和南而禮佛繼觀華之祝莫罄蟻忱和
擊壤之謠同遊

鴻造臣等謹合詞繕摺恭謝

天恩謹

奏奉

欽定四庫全書

卷六十六

旨知道了

直隸總督臣梁肯堂謹

題為恭謝

天恩事據布政使馮光熊等詳具直省十一府六直隸
州屬一百四十三州縣會詳據紳士耆民呈稱欽
惟我

皇上

乾元廣大

泰運洽熙

慶輯堯封闡貞符於歲琯

仁敷禹甸周大澤於興圖惇善政而養民爰修水火金

木土穀備休徵而錫庶惟若雨暘燠寒風時際萬

邦之告屢綏樂承平于已久

寬四方之供惟正宏

大造以無私計財賦金錢之

特蠲迴非莢籌可算靡遠邇限瀛之弗逮咸令困廩常

盈况夫身依

化國化雨先濡地接

春臺春陽蚤被

九重之快晴佇雪近占協應于神京三時之

閱稼課耕首驗登豐於畿輔芸類之謳歌正切

椿齡之曼羨重逢

八袞肇開

十行申錫伊祖庸原一定之舊章迺豁除有非常之

曠典騰黃首出萬衆焚香紫白優霑三農餘粟騰歡聲
於

輦轂羣欣日近長安荷

壽世之

絲綸同効山呼

萬歲莫名下恫冀達

上聞所有欣感微忱謹合詞呈請代

題等情由各府州縣詳司由司轉詳到臣欽惟我

皇上

德備福徵

治孚恒久

衍疇時叙襲慶於天苞地符

調幕日囊總序於皇春帝夏

一堂五代賦詠增祥四海三登禾書紀瑞荷

天賜頻臻大有

為民謀不啻家人

誠求在宥以赤子之心為

心元吉有享後天下之樂而

樂方正月歲華之始普錫

春祺欣

八旬壽牒之開先頒

恩詔

沛新膏而免賦全寬秸穗之輸分歲額而停徵益廣黍
稌之積澤下尺生上尺稱物平施畊九年餘三年

阜民足用此皆

聖慈仁育用昭

皇極福敷

萬年之景祚方長

一人之惠心勿問欽承

紫綽忭溢黃圖茲據詳請具

題前來

臣

謹會同管理順天府尹戶部左侍郎

臣

蔣

賜榮順天府尹

臣

吳省欽合詞繕疏恭謝

天恩伏乞

皇上睿鑒謹

題奉

旨該部知道

題為恭謝

皇上

德懋健行

化成純久

軒階調一元之運象闡貞符

如圖膺五福之全箕增神英光華鏡宙際川澍澥瑩之
期熙藹登春徧日蜎月竈之域廼者北綏南屢洽
比戶之盈寧總由陰量晴籌塵

深宮之宵旰

乾乾惕若

鼎鼎福來慶逢

八萬歲之蕃釐

特頒十七省之

恩詔方元春之肇祚協九如戩穀之歌普二富之藏氓
申四免丁租之

諭固已醲沾匝地驩溢敷天者矣竊念身生

盛世更居江南財賦之鄉世業先疇復擅吳下膏腴

之壤河流沐

澤亘綠野千里而彌滋

天表承

顏迓

翠蹕六巡而有慶愜就日瞻雲之大願召和風甘雨之
上祥春及杏蒲最好水鄉之力作秋成抗稻屢占
江國之豐收在羣情之望

君望歲同欣樂利于倉箱而

聖懷之為下為民更切留餘于租稅按三年而遞及母
頌編戶之催科合八郡而全蠲並建佃田之減息

荷

翔和之溥率卜

介祉之悠長從茲兆民允賴東阡西畷頻書大有之年

同稱

萬壽無彊北斗南山莫罄

長生之頌所有感激下忱仰冀申詳上達等情由司道

據此會詳到臣欽惟我

皇上

蘿圖席瑞

椿紀延禧

五福題五代之堂俾昌叶吉

八旬記八徵之寶嚮用叙時

言如絲而出如綸

恩逾綏壽

宵以衣而旰以食

政務養民箕畢之好攸從風和雨順斗牛之區增耀星
拱雲環頻年登豐稔之庥庶彙沐

涵蒸之澤除微發粟幾同恒例之循納輶輪各効正
供之獻矧茲吳壤屢奉

軒遊

禹度維勤千里之河壖流潤

堯巡所莅六度之膏雨含滋維魚維旗豐年之室家誌

慶宜蠶宜稻太平之耕織成圖民知勤利用以厚生

生

皇惟厯惠心之孚吉本年恭逢

聖壽疊沛

溫綸遍九土以全蠲計三年而遞免胥主伯亞旅之衆

荷

敬授于平扶東西乃金錢穀粟之除選

博施于大江南北聽田間之詠

澤情摯於幽風介眉瞻

闕下而臚歡頌溢乎康衢擊壤茲據詳請代

題恭謝

天恩理合繕疏具

題伏乞

皇上睿鑒施行奉

旨該部知道

安徽巡撫臣朱珪謹

題為恭謝

天恩事據署布政使事按察使恩明等詳據安慶等八
府六安等五州會詳據懷寧等五十四州縣詳據
閩省紳士蕭應植耆民祝無彊等呈稱欽惟我
皇上

至誠有物

盛德統天

錫福綏猷

厚澤久邈夫漸被

蠲租賜復

湛恩屢渥于東南恭逢

聖壽無疆

八旬臚慶共仰

皇仁載沛萬姓蒙庥免一歲之正供謳歌樂利分三年
以遞及調劑精詳况業佃之均霑更災區之先被
十三州郡悉扇祥風億萬人民共嬉燠日應植等

優游梓里寧敢期逾分之

殊恩忭祝

椿齡何幸逾非常之

敷錫莫名

至德每巷舞而衢歌乞達微忱倍瞻

天而仰

聖所有感激下情仰冀申詳上達不勝踴躍歡忭等情

由各州縣會詳到府州據安慶府知府孫藩等會

詳轉請

題謝等情到司道據此該署布政使恩明等會看得

欽惟我

皇上

福昭斂錫

德懋生成和風漸被

湛恩慰筭畢之心淑氣薰蒸

大澤沛斗牛之野屢荷

蠲租蠲賦共享

昇平依然餘九餘三同遊

熙皞廼者

一人有慶

萬壽無疆茂膺

八袞之

洪禧載溥

九重之

恩賚吳頭楚尾咸占樂和蒙庥皖水龍山首覩豐亨有
象按三年以輪及惠歟地而先霑紳耆概免於輸
將農庶亦邀乎減息望千邨之蒲杏雨露無邊瞻
萬井之桑麻謳歌莫罄從此催科不擾相期大法
小廉秉耒增歡常獲時和歲稔倍淪肌而浹髓咸
沐

大君

特沛之恩長祝華而呼嵩永戴

聖主延洪之福茲據安慶等庠州詳據紳士軍民感激

微忱理合據情會詳

題謝到

臣據此該臣欽惟我

皇上

至治調元

深仁保泰

風清徼外梯航踰萬里而來

日麗寰中桔總免五方之賦慶豐亨於比户家溢朱

提漕樂利于茅簷室餘白粳酌後先而遞及合遠
近以均霑幸逢

八旬萬壽之昌期正際

五世一堂之盛會

命蠲貢賦

諭減佃租有田者既裕倉箱秉耒者兼分擔石八埏普
遍六皖均霑從此暑雨祁寒耕鑿咸知

帝力小廉大法救寧永答

天禧茲據請代

題恭謝

天恩前來臣不敢壅于

上聞臣謹會同兩江總督臣孫士毅漕運總督臣管幹

珍江南總河臣蘭第錫合詞具

題伏乞

皇上睿鑒施行為此具本謹

題奉

旨該部知道

江西巡撫

臣

何裕城謹

題為恭謝

天恩事據布政使姚茶等詳具南昌等十四府州會詳
據寧州南昌等七十八廳州縣詳據紳士鄒玉藻
百歲耆民趙登祐等呈稱欽惟我

皇上

治懋登咸

道隆攸久衍箕疇而

錫福

彤庭開五世之祥

握軒鏡以膺圖

黼座篤萬年之祐扇

仁風於函夏陬溼咸熙覩

化日於中天垓埏普綏億兆盈寧之象含蘇聿召麻嘉

九重懷保之誠錫羨惟殷康阜粵以上章獻歲

八旬延

聖節之釐際茲太簇宣詔六合藹

天閭之瑞五五叶乾坤之數

皇如春而澤為春萬萬超圖牒所聞

仁者壽與世皆壽仰

新綸之寬大惠溢十行象寰宇之正供

恩覃四度惟西江之版籍繫南國之方隅提封接吳楚

而遙則壤視荆揚以錯指江湖為襟帶本魚羹稻

飯之鄉依田宅以幹年悉火耨水耕之俗頻歲沐
撫綏之渥既十雨而五風

昌辰臚介景之歡真千齡之一日

南弧朗耀光分翼軫之躔

北闕銜書慶洽豫章之域瑞徵蕊榜已占多士景征喜
動茆簷何幸羣黎徧德比戶而同登衽席躋堂則
並頌臺萊溯

仁祖上壽躬膺特播普蠲之

詔我

聖主重熙化浹更邀疊沛之

恩計小民生長

太平以來皆

大造覆育邛和之宇扶杖而聆

恩詔提携更見曾元擊壤以頌康年酬唱還同亞旅室

有蓋藏之富胥荷

天慈人忘佃作之勞難名

帝力

堯尊普酌勤撫字而勿事催科

禹甸同遊被

膏澤而惟聞歌詠

藻

等身棲櫟社心繫

楓宸捧日下之

德音聽田間之嘉諺梓桑在望惟殷下里之謳葵藿同

傾敢冀

太陽之照匡廬峰峙願偕五老以呼嵩彭蠡波涵莫並

九天之湛露合十四郡輿情交慶銘肌叨

賜復之仁更

億萬齡

寶祚長新企踵効祝延之悃所有欣感下忱謹合詞呈

請具詳等情由各司道會詳到臣據此欽惟我

皇上

福並升恒

恩均博載

欽定四庫全書

卷六十六

瑶圖闡籙祥徵華祝之三

玉宸含元瑞獻泰符之六

勅幾康而省歲雨暘時切

謔

宣懷保以寧民金粟預

籌補助兩免漕儲之運野有餘糧三蠲地額之供室多

朽貫固已風淳宙合胥萬彙以咸熙

澤澍蒸黎亮九功而時序矣茲者恭逢

萬壽八旬之慶欣集

一堂五世之釐珍符萃而

貺通晷緯昭而祥源溥月吉卜始和之

詔慶洽中天年豐占大有之書賦除寰宇

鴻施下建期三載以咸周

渥愷旁流與十行而廣布

念歲富必謀本富積京垓億种而羸廼

敷仁悉視同仁合旬稍縣都以遍

聖壽與

湛恩無量

皇慈本

至德難名

臣

職守茲邦躬逢

盛際仰縣書于

象魏陽和布而

膏澤俱融採輿頌于衡茅

惠凱宣而條風偕奄聽率土衢歌巷舞驩呼騰

萬歲之聲願頻年櫛比墉崇熙穰恆三農之望所有紳
耆等感激下忱理合繕疏代

題恭謝

天恩伏乞

皇上睿鑒施行謹

題奉

旨該部知道

浙江巡撫

臣

覺羅琅玕謹

題為恭謝

天恩事欽惟我

皇上

極建無私

化成久道

宵衣旰食知稼穡以念民依巷舞衢歌安耕鑿而思

帝德在昔

溫綸三錫久邀上則之全蠲屆今

聖壽八旬更荷正供之輪免

隆施稠疊

湛閭彌綸紵看萬寶告成薄海拜康年之賜羣黎徧德普天飫
壽世之恩矧兩浙夙被

恩施而三疊久恬

聖澤湖光山色翠鑾奉

六度南巡稻蟹桑蠶

紫綉滄月正元日興頌咸知

帝力山呼並祝

聖齡茲據杭州等十一府屬並各衛所紳衿士庶屯運

各丁呈請恭謝

天恩前來擬合據呈詳請會

題等情到

臣

欽惟我

皇上

德協清寧

功參化育春耕秋斂頻施補助之

仁賜復蠲租疊見

雨膏之沛

一人之宵衣旰食與物皆春四方之鑿井耕田為民藏
富茲於乾隆五十五年欣逢

皇上八旬萬壽

特頒

巽命覃布

鴻慈萬方之賦稅全蠲九有之輸將輪免茅簷白叟含

哺而慶昇平部屋黔黎忭舞而遊熙皞叨

隆施于逾格共躋春臺邀

曠典于非常咸登

壽域從此五風十雨萬年歌有道之長耕九餘三兆姓

獻無彊之頌據浙江紳耆錢載等具呈由府司詳

請代

題恭謝

天恩等情前來

臣

謹會同福建浙江總督

臣

覺羅伍拉

納合詞具

題伏乞

皇上睿鑒謹

題奉

旨該部知道

又

題為欽奉

上諭事據布政使顧學潮等恭照地分三壤登廣斥于

海濱耕蓄九年賦鉅總于天府欽惟我

皇上

道隆有慶

福錫大同

詔普免夫丁糧

曠典幾同常例

念額徵之銀穀

殊施特沛

溫綸沙塗蠲二千八百之朱提海澁免二萬二千之玉粒流

膏匝地欣逢

萬壽無彊拜

賜自天詎有一夫不獲東西兩瀾相聞衢頌之聲山海偏隅共效

嵩呼之頌茲據杭州府玉環同知等具詳紳士耆民呈請恭謝

天恩前來理合據情轉詳察核會

題等情到

臣 欽惟我

皇上

盛德參三

懋功咸五

隆恩育物以愛養臻樂利之庥

善政厚生本節儉成生平之福恭逢

八秩之春普

錫萬方之祉正賦既蠲於全省餘糧復免於海濱惟茲
斥鹵之區

曠典有加靡已即至畸零之稅

溫綸一視同仁共祝

萬壽無彊咸頌

一人有慶茲據詳請具


題前來臣謹會同福建浙江總督臣覺羅伍拉納合

詞具

題伏乞

皇上睿鑒奉

旨該部知道



八旬萬壽盛典卷六十六